

四庫全書

史部

欽定四庫全書

欽定八旗通志卷八十二

典禮志五

八旗祀典二

功臣廟祀  
賢良祠

功臣廟祀

前殿正龕

敬謹莊親王尼堪

英誠武勳王揚古利

武壯王孔有德

武襄公巴爾堪

東次龕

一等公安北將軍謚忠勇佟國綱

贈太師一等公謚忠烈佟養正

散秩大臣一等公達福

一等公領侍衛內大臣西哈

一等侯謚襄武馬得功

贈三等侯巴什泰

一等伯謐武壯宜理布

贈二等伯己都里

一等伯程尼

三等伯穆和琳

大學士張泰

贈一等伯議政大臣羅沙

太子少保三等伯謐忠毅王之昂

贈太子少保福建總督謚忠貞范承謨

額駙托相

大學士龍西

大學士色恩泰

湖廣總督謚忠勇額倫特

副將軍查弼訥

內大臣兵部尚書圖們

贈大學士佟濟

倉場總督王秉仁

二等子都統博波圖

議政大臣長史謚襄壯雅賚

刑部尚書道禪

工部尚書名蓋

叅贊內大臣馬爾薩

西次龕

輔國公謚襄愍巴賽

大學士謚忠愍莫洛

續順公沈瑞

禮部尚書布顏岱

十六大臣管佐領綽和諾

湖北巡撫柯永昇

都統沙里布

贈太子少保巡撫謚文毅馬雄鎮

雲貴總督謚忠果甘文焜

兩廣總督佟養甲

禮部侍郎朝哈爾

贈禮部尚書諡忠烈高卞爵

贈工部侍郎費揚古

贈三等子圖魯錫

三等男喀爾他拉

護軍統領喀爾護吉

叅贊大臣副都統海蘭



副都統蘇圖

前鋒統領胡里布

護軍統領哈克三

贈護軍統領佐領葉喜

侍郎永國

護軍統領阿爾岱

湖廣提督孫定遠

東又次龔

前鋒統領劉哈

副都統盧錫

副都統科普蘇

副都統阿喀倪

副都統納爾特

副都統錫密齊

副都統科爾坤

副都統多頗洛

副都統戴豪

副都統渾錦

副都統衛正

副都統羅濟

副都統阿什圖

副都統覺羅阿克善

副都統阿爾護

副都統常祿

副都統吉三

副都統巴雅思虎朗

西又次龕

福建提督段應舉

副都統穆舒

副都統孟魁

副都統白闕

副都統邁圖

副都統葛思特

雲南巡撫朱國治

右副都御史張文衡

刑部侍郎馬如璧

通政使莫洛渾

一等子穆克覃

一等子阿納達

一等子岱音布

一等子覺羅莫洛渾

東稍龕

左都督總兵官謚忠愍吳萬福

總兵官謚忠武阿爾泰

贈雲騎尉張廷輔

前鋒統領定壽

三等子錫喇巴

江西布政使司遲變龍

西稍龕

護軍統領郭色

護軍統領新泰

提督謚壯勇康泰

二等子覺羅顧納岱

贈都督同知司九經

二等子拜蘭

總兵郝效忠

總兵劉良臣

三等子巴朗都爾莽齊

贈總兵官甘應龍

二等子拜三

一等男路什

後正堂

備禦尼馬禪等一百十有五人

左次龕



護軍叅領倭赫等七十人

右次龕

一等輕車都尉季普哈達等八十人

左又次龕

叅將劉衍等四十五人

右又次龕

二等輕車都尉莽儀祿等四十人

東配樓

贈雲騎尉七品官覺羅星德等四百三十七人

西配樓

贈雲騎尉護軍校雅思吟等四百五十七人

東廡

一等輕車都尉赫爾德等一百八十八人

西廡

守備劉澤久等一百二十八人

東西房

附祀兵丁共一萬三百有七人

謹案後正室以下諸臣姓名  
詳列忠義傳中茲不具載

賢良祠

雍正八年七月

諭國家効忠宣力之臣勲績茂著必膺崇報之典令其世  
享烝嘗雍正二年朕已敕建昭忠寺自開國以來致命  
立功盡忠報國之儔皆得春秋妥侑世世血食顧念古  
者大烝之祭凡法施于民以勞定國者皆得並列祀典

永受明禋則我朝名臣良弼其經邦佐治黼黻昇平者  
皆祭法所必登朕欲為之建立祠宇久矣即如怡親王  
之精白一心忠誠體國勲在

社稷澤被生民其功德隆盛又豈一切効忠宣力者之可  
比倫乎洪惟

太祖

太宗創業垂統厥有一德佐命之良

世祖撫綏萬邦實多奮庸熙載之彥追我

聖祖臨御六十餘年其間良臣碩輔後先相望據朕所深知者舉其一二如大學士公圖海公賴塔大學士張英尚書顧八代馬爾漢趙申喬河道總督靳輔齊蘇勒總督楊宗仁巡撫陳瓚等持躬正直奉職公忠或垂節鉞之勲或勵冰霜之節俯仰無愧為朝野所共欽終始不渝無瑕疵之可指似此等靖共爾位不愧古大臣之風者正不乏人既樹羽儀于一世宜隆俎豆于千秋且使世世為臣者觀感奮發知所慕效羣以臯夔稷契共相

期待則明良喜起之盛朕於斯有厚望焉著於京城內  
白馬關帝廟之旁選擇吉地特建廟宇命名賢良祠春  
秋以時展祀其應入祠之員著內閣會同該部確查本  
朝滿漢文武大臣才德著聞完名全節者詳慎開列具  
奏請旨將來繼起之臣亦併得沾被恩光永為盛典特  
諭

賢良祠八旗文武大臣爵位姓名

前室

設位  
南面

忠敬誠直勤慎廉明和碩怡賢親王允祥

雍正八年入祀

和碩超勇親王策凌

乾隆十五年入祠

後室享祀大臣

少保兼太子太傅中和殿大學士一等忠達公諡

文襄圖海

正藍旗滿洲都統一等襄績公諡襄毅賴塔

太師禮部尚書諡文端顧八代

太子太傅議政大臣吏部尚書諡恭勤馬爾漢

太子太保工部尚書銜河道總督謚文襄靳輔

太子太傅河道總督謚勤恪齊蘇勒

少保湖廣總督謚清端楊宗仁

以上俱雍正八年入祀

太傅兼太子太師內秘書院大學士一等子謚文

肅范文程

大學士謚文成榜式達海

太子太保加贈少保武英殿大學士兼吏部尚書

謚文清阿蘭泰



鑲紅旗蒙古都統協理將軍謚僖恪阿爾納

正藍旗漢軍都統謚桓僖馮國相

太子太傅武英殿大學士兼吏部尚書謚文恭富  
寧安

太子太保領侍衛內大臣一等公謚公懿福善

太子少師領侍衛內大臣一等公謚襄壯費揚古

太子太保振武將軍甘肅提督謚襄武孫思克

太子太保江南江西總督謚清端傅拉塔

少保兼太子太傅內國史院大學士謚文毅甯完  
我

太子太保定西將軍兼都統三等侯謚敏壯李國  
翰

太子少傅靖海將軍靖海侯福建水師提督謚襄  
壯施琅

鎮南將軍鑲白旗護軍統領謚襄壯莽依圖

少保兼太子太保定西將軍內大臣一等公謚靖

康愛星阿

西安將軍謚恭靖佛尼勒

太保四川陝西總督謚忠毅孟喬芳

少師兼太子太師內國史院大學士謚文恪額色  
黑

四川陝西總督謚襄勤李國英

鑲藍旗滿洲都統謚襄壯根特

蒙古副都統一等輕車都尉謚襄壯褚庫巴圖魯

領侍衛內大臣二等公謚愨敬尹德

以上俱雍正十年入祀

太子太傅文淵閣大學士兼吏部尚書世襲二等

輕車都尉謚文恪高其位

雍正十二年入祀

太子太保內大臣議政大臣一等男加雲騎尉謚

恪僖哈世屯

戶部尚書議政大臣一等男加一雲騎尉謚敏果

米思翰

乾隆元年入祀

太傅尚書銜謚文定徐元夢

乾隆二年入祀

太傅保和殿大學士兼戶部尚書世襲二等伯謚

文穆馬齊

文華殿大學士兼吏部尚書謚文端伊桑阿

乾隆十二年

年入祀

太子太傅直隸總督謚愷勤那蘇圖

乾隆十四年入祀

一等伯都統謚襄烈傅清

一等伯左都御史謚壯果拉布敦

乾隆十五年入祀

太保武英殿大學士謚文端福敏

一等伯西路將軍謚武烈和起

以上乾隆二十一年入祀

太子太保浙閩總督謚愨勤喀爾吉善

太子太保兩廣總督謚文勤鶴年

以上乾隆二十二年入祀

武英殿大學士三等忠勤伯兼管陝甘總督謚文

襄黃廷桂

乾隆二十四年入祀

太子太保戶部尚書謚勤恪李元亮

乾隆二十六年入祀

四川總督尚書銜謚勤肅鄂弼

乾隆二十八年入祀

太保武英殿大學士謚文端來保

太保協辦大學士戶部尚書一等武毅謀勇公謚

文襄兆惠

乾隆二十九年入祀

太子太保戶部尚書果毅公謚襄壯阿里衮

乾隆三十

四年入祀

太保保和殿大學士一等忠勇公謚文忠傅恒

乾隆

三十五年入祀

太保文華殿大學士謚文端尹繼善

乾隆三十六年入祀

太子太保陝甘總督謚勤毅吳達善

乾隆三十七年入祀

太保武英殿大學士謚文襄舒赫德

乾隆四十年入祀

太子太傅文華殿大學士兩江總督謚文端高晉

乾隆四十四年入祀

太子太保東閣大學士謚文肅英廉

乾隆四十八年入祀

太子太保兩江總督薩載

乾隆五十四年入祀

將軍謚武毅奎林

乾隆五十七年入祀

### 致祭禮儀

前室祀宗室親王以下貝勒貝子以上後室祀公



侯伯以下三品大臣以上均按次序官同官序其  
年月位均南向歲春秋仲月諏吉前室遣官一人  
致祭後室以太常寺卿一人將事所祀王子孫咸  
與行禮大臣子孫通籍在京者如之祭日太常寺  
官入祠供具前室異案各羊一豕一果實五盤鑪  
一鐙二中設一案少東北向供祝版西設一案東  
向陳香盤二尊二爵六素帛二後室五案共羊豕  
一每案果實五盤鑪一鐙二東設一案西向陳香

盤一尊一爵三素帛一設洗於前室東階下前後  
各設燎鑪於垣門內東南隅承祭官朝服詣祠贊  
禮郎二人引前室承祭官由中門入又二人引後  
室承祭官入各至東階下盥手升階就拜位立鴻  
臚寺官引王以下子孫序立于前室甬道左右引  
公以下大臣子孫序立於後室庭中左右均北面  
贊就位承祭官以下皆就位贊上香前室承祭官  
詣正中香案前三上辦香次詣各香案前上香復

位承祭官暨陪祀官均行二跪六叩禮後室承祭  
禮同贊奠帛爵行初獻禮贊讀祝司祝北面宣讀  
承祭官立聽陪祀官皆跪聽亞獻終獻如初儀贊  
行二跪六叩禮燎祝帛禮畢各退

祭文

維

年歲次

月

日

皇帝遣

諭祭賢良祠王大臣和碩怡賢親王大學士公圖海等


之靈曰功銘鐘鼎尚書崇元祀之文德冠巖廊周禮  
著大烝之典蓋旂常載績本臣子之素懷而俎豆薦  
馨乃朝廷之崇報爾和碩怡賢親王望重親賢粹鍾  
川嶽竭忠誠而體國著勲德於當年大學士公圖海  
等或當

列祖開基之日佐命立功或際熙朝極盛之時宣猷贊化  
或驅除暴亂定疆宇於域中或震耀聲靈收版圖於  
海外內則台星卿月奏亮工熙載之勲外則錫鉞授

麾襄阜物安民之治老成謀國者進黃髮之嘉猷清  
白持身者表素絲之高節純勤盡職則夙夜匪躬密  
勿承休則堂廡一德我

皇考追思前蹟特煥褒綸崇廟宇於神京布几筵而時祭  
蓋以表揚既往沛酬庸褒德之恩激勸將來勵懷古  
欽風之志朕寅承丕緒嗣舉舊章撫節物以懷賢潔  
牲牢而致享於戲名傳史牒美茂績之長昭禮重明  
裡緬英靈而如在奠茲清酤尚克歆承





欽定八旗通志卷八十二

# 欽定四庫全書

史部

欽定八旗通志卷

八十三至  
八十五



欽定四庫全書

欽定八旗通志卷八十三

典禮志六

八旗軍禮

大閱 京營訓練 親征 凱旋 命  
將出征 遣使頒敕 凱旋

大閱

大閱之禮三歲一舉兵部奏請

欽命王公大臣六人總理其事編飭八旗火器前鋒護  
軍驍騎諸營修整戎器甲冑金鼓旗纛之屬欽天

監諏吉前期二月八旗佐領各出弁卒為大閱之  
衆

命八旗都統副都統前鋒統領護軍統領各勒所部於  
演武場訓練士衆嚴明紀律前二日武備院卿率  
官校赴

大閱處列

御營張

幄殿設

御座於正中張圓幄於

殿後設

御用甲冑弓矢於幄內八旗將校甲兵依式布步騎軍  
營翼日總理閱兵王公大臣督諸軍各宿軍幕屈  
日五鼓鑾儀衛陳騎駕鹵簿樂部陳饒歌樂於

行宮門外乃饗軍士食畢饗諸軍皆貫甲出營列陣  
列陣之制去陣前百四十有七丈建大纛以為軍  
表左翼鑲黃正白鑲白正藍以次而東西上右翼

正黃正紅鑲紅鑲藍以次而西東上陣內諸軍各按旗依表為隊最前為漢軍火器營滿洲護軍火器營驍騎火器營並列各別其隊合漢軍滿洲火器營統兵大臣十有七人將校七百十有二人兵八千三百七十有六人其後間二十有五丈為首隊兵八旗前鋒居中八旗護軍驍騎各按翼按旗分列前鋒左右合首隊前鋒護軍驍騎統帥十有六人將校二百九十有六人兵四千四百十人又

後間十有五丈為次隊兵八旗護軍驍騎各按翼  
按旗分列合次隊護軍驍騎統帥八人將校百四  
十有四人兵三千五百二十有八人大軍左右分  
張兩翼為協隊按旗相屬斜行雁綴成列合協隊  
護軍驍騎統帥八人將校百三十有六人兵千七  
百六十有四人滿洲蒙古漢軍合委散秩官八人  
驍騎校八人驍騎三百二十人禁約謹譁又合委  
傳宣官八人驍騎校八人護軍校八人承傳軍令

金方々ノノ二  
卷八十三  
軍陣既嚴兵部尚書侍郎詣

行宮奏成列司礮舉礮三銃歌大樂作秦壯軍容之

章

皇帝乘騎出行宮侍衛二十人前引大臣十人騎而導  
後護領侍衛內大臣二人侍衛班領率豹尾班侍  
衛執槍十人佩刀十人佩弓矢十人騎而從

駕入

御營

躬御甲冑扈從王公大臣侍衛親軍咸擐甲侍班滿漢  
九卿記注官蟒袍補服豫於

御營前恭候兵部尚書奏請

閱兵

皇帝佩刀出

御營屬橐鞬乘騎前張黃龍曲蓋一武備院官掌之兵  
部尚書侍郎二人騎導前引後扈如前儀總理閱  
兵王公大臣滿大學士乘騎隨從三旗內大臣散

秩大臣率親軍舉黃龍大纛三旗侍衛親軍各從  
侍衛什長親軍校隨纛扈

蹕有執事王公附豹尾班後隨行

皇帝入自左翼出右翼由列陣中路行經駢騎護軍前  
鋒諸隊前火器營諸隊後陣前將校甲士各就列  
迴身以向恭頌

駕過

皇帝周視隊伍還營



御幄殿前引大臣分立殿前東西面後扈大臣侍衛翼立

御座左右

殿外東西列豹尾班侍衛建黃龍大纛一侍衛親軍按隊環衛總理閱兵王公大臣大學士兵部尚書侍郎立于殿外階上西位東面執事王公侍班九卿記注官分翼立于階上東西面

御營前左右列侍衛各六人八旗傳令官在其下滿洲

索倫蒙古善馭馬侍衛三十人不擐甲按翼立侍  
衛後備馭驚軼之馬屆時兵部尚書出班跪奏鳴  
角開操鑾儀使率鳴角軍進

御前蒙古大角鳴承傳海螺以次遞鳴達于軍陣司礮  
三舉礮諸陣內擊鼓螺角畢鳴乃行陣擊鼓鳴螺  
舁鹿角整隊前進鳴金止一字成列領隊甲士麾  
紅旗槍礮齊發鳴金止再擊鼓鳴螺整隊而進鳴  
金麾旗發槍礮如是者九初進以二十丈再進以

七丈五尺為率至第十進大小礮連環槍齊發無  
間鳴金三乃止開鹿角為八門首隊前鋒護軍駝  
騎甲士以次出次隊軍隨之火器營兵列於後鹿  
角門閣諸軍出鹿角外既成列八旗齊鳴螺譟而  
進左右翼兵雁綴斜行成列並進軍中鳴金止乃  
鳴螺振旅而還各列於初成列之地兵部尚書出  
班跪奏大閱禮成

皇帝入

御營釋甲胄扈從王公大臣侍衛各退咸解甲具吉服

隨

駕還行宮司礮舉礮三銃歌清樂作奏鬯皇威之章將  
帥各率弁兵按隊歸營解甲徹幕申嚴約束依次  
入城翼日鑾儀衛陳

大駕鹵簿

皇帝乘騎回鑾警蹕如前儀

駕還宮

恩賜賞賚有差

京營訓練

京營八旗弁兵春秋季月合操四次春曰貫甲秋  
曰常服營陣規制如

大閱之儀仲春孟秋之月按旗登城習鳴螺兵部遣官  
稽閱歲為常制護軍驍騎官兵一歲三校騎射本  
旗都統臨視之前鋒護軍三歲一校騎射兵部疏  
上領侍衛內大臣八旗都統副都統名每翼

欽命數人會本翼都統臨視之八旗滿洲漢軍火器營

礮間三歲季秋月演試於盧溝橋都城各門之礮

分三之一更遞運往同演

命兵部滿尚書一人臨視之

親征

皇帝親征之禮

命下內閣諏啟行吉日以

閱兵部承

制宣攝內外諸司各隨職供備前後備六軍

頒行軍律令

前期三日遣官祇告

天

地

宗廟

社稷

太歲屈日遣官致祭

道路之神於

天安門外列礮于演武場遣八旗都統致祭

司礮之神鑾儀衛陳

騎駕鹵簿于

午門外前列銃歌大樂兵部設

御營黃龍大纛于

堂子內門外之南不從征王公暨滿一品官蟒袍補服從

征王以下大臣服征衣佩刀豫往



堂子街門內祇候從征六軍分翼列陣於都門外屆吉時  
禮部尚書侍郎詣

乾清門請

駕御征衣佩刀出宮乘騎前列九龍華蓋一武備院卿  
騎導領侍衛內大臣侍衛咸服征衣佩弓矢乘騎

前後翊衛

駕入

堂子街門王公以下跪候過隨入武備院官豫布

皇帝拜褥於

園殿外甬道正中及

旗纛前

皇帝降騎禮部尚書侍郎恭導由內門中門入就

園殿外拜位南向立前引大臣止立門外後扈大臣隨侍

鴻臚寺官引王公位丹陛上引衆官位丹墀東西

鳴贊奏跪拜興

皇帝行三跪九拜禮王公等隨行禮畢禮部尚書侍郎

恭導

皇帝出

堂子內門詣

旗纛前望纛行三跪九拜禮王公等隨行禮畢

皇帝乘騎導迎樂作秦佑平之章領侍衛內大臣侍衛  
班領率親軍護軍舉黃龍大纛扈

蹕王公以下咸騎從

駕出都門至陳兵處司礮三舉礮各旗將弁士卒俯伏

候過整隊隨行

駕至郊不從征王以下文武百官咸蟒袍補服跪送

車駕載途大軍分隊前驅

駐蹕行營建

御營於正中前鋒軍過

御營前分列東西二營八旗護軍及駝騎張左右翼分

列十六營火器營軍礮軍綿甲軍列為四營皆環

御營為向

御營內張帳殿黃幄周黃幔為城南設旌門列黃龍大  
纛於門外左右幔城外設網城東西南樹旌為三  
門網城外布幕為重營東西南北各為一門護軍  
叅領侍衛鑾儀衛官及護軍執事人每重扈蹕將  
及所征之地遣使齎

敕往諭

親御軍門簡閱將士申嚴紀律諸軍秉

宸謨廟算分道進發奏先捷班師

凱旋

皇帝親征既克有罪詎吉凱旋前期一日遣官致祭

旗纛之神屈日

鑾輿先發諸軍整旅徐旋

駕將至京內閣宣下諸司在京王公百官咸蟒袍補服

郊迎鑾儀衛陳

法駕鹵簿自郊外五里至

堂子門外

駕至郊王公百官跪候過隨行

駕入都門大樂鼓吹前導至

堂子內門禮部尚書侍郎恭導

皇帝降輿致祭

堂子王公等隨行禮畢鑾儀衛移設鹵簿起

堂子至

午門外

皇帝乘輿入東長安門至

午門百官跪候過王公隨入至內金水橋候

駕還宮皆退大師凱旋翼日遣官祇告

天

地

宗廟

社稷

太歲並遣官致祭

陵及隨征



旗纛

司礮之神宴從征將士於

御苑

皇帝親勞之策勲行賞有差禮部諏吉疏請

御殿受賀

皇帝御太和殿受中外羣臣表賀

頒詔布告天下

御製碑銘勒石太學以告成功編次

親征方畧宣付史館

命將出征

皇帝命大將軍出討寇亂先期內閣大學士擬銜名奏

請

欽定禮部製印欽天監諏吉以

聞兵部徧布諸司供備前期三日鴻臚寺官豫設

敕印案於

太和殿內東楹之南內閣侍讀二人自閣奉

敕印入陳於案鑾儀衛率官校陳

法駕鹵簿樂部率和聲署陳樂懸王公百官咸蟒袍補服就班位序立如常朝儀出征大將軍暨從征各官蟒袍補服入竢於丹墀之東西面禮部尚書侍郎詣

乾清門請

駕

皇帝龍袍補服至

太和殿北階中和韶樂作奏隆平之章

皇帝御太和殿陞座丹陛樂作奏慶平之章鴻臚寺官  
引大將軍升自東階立丹陛之東北面接敕印官  
二人從升立於左西面分引從征各官按左右翼  
就丹墀東西拜位均北面序立贊受

敕大學士一人入

殿左門就東案奉

敕由中門循左闌出授大將軍大將軍祇受轉授接敕

官跪奉以興退俟於左贊受印大學士一人奉印授大將軍如受

敕儀樂作大將軍暨從征各官行三跪九叩禮奉敕印官降自東階由

太和中門出大將軍從出從征各官皆出

駕興中和韶樂作奏顯平之章出師日鑾儀衛陳法駕鹵簿於

午門外文武百官蟒袍補服按翼集

午門外東西闕下大將軍暨從征各官服征衣王貝勒貝子公滿大學士將軍都統尚書蟒袍補服均東面豫族於

堂子街門內兵部建八旗大纛各一於

堂子內門外之南軍士執螺角列俟於街門外從征將士

按翼分立於甬道左右禮部尚書侍郎詣

乾清門請

駕

皇帝龍袍補服乘輿出

法駕鹵簿前導百官跪送

駕至長安橋軍士吸角吹螺大將軍從征各官暨王公大臣等跪候過隨行

駕進

堂子街門禮部尚書侍郎恭導

皇帝降輿就位行禮羣臣咸隨行禮畢恭導

皇帝至燾前行禮大將軍暨從征各官均隨行禮畢導

迎樂作奏佑平之章

皇帝回鑾遣官以師行祇告

奉先殿其日工部官豫張黃幄於東長安門列南向武備

院官供

御座鋪陳光祿寺官備酒以俟

皇帝祇告

堂子禮畢王公大臣先至東長安門分翼序立大將軍暨

從征將士先至幄外恭竚



皇帝入幄陞座內大臣侍衛翊立左右

皇帝命大將軍入

親賜卮酒大將軍跪飲畢退率從征將士謝

恩行三跪九叩禮畢佩橐鞬辭

駕

皇帝命乘馬啟行樂作

皇帝乘輿還宮王公百官送

駕各退遣官祖餞大將軍於都門外禮部官豫張幕於

門外道左內務府官設燕於幕內光祿寺官備茶酒承

旨餞送之王公大臣侍衛各官蟒袍補服筵於幕外大軍按翼肅隊大將軍至下馬從征官咸下馬王公大臣侍衛迎入鴻臚寺官引就拜位行三跪九叩禮畢分引就燕席禮部兵部尚書侍郎奉茶燕畢望

闕謝

恩行禮王公大臣等送至幕外視大將軍啟行各退

遣使領敕

王公大臣出師疆場

皇帝即軍中命為大將軍先期

臨軒遣正副使各二人持

節賚

敕印往至日大將軍率屬郊迎於演武場築壇壇上正

中設

金史卷八十三  
敕印案前為香案屆時正副使蟒袍補服登壇陳

敕印於案退東面立大將軍蟒袍補服詣香案前跪宣

敕官東面宣讀

敕文訖正使奉

敕副使奉印以次授大將軍大將軍祇受轉授從官跪

接大將軍行三跪九叩禮大將軍奉

敕印蒞事正副使還

朝持

節復

命

凱旋

大將軍戰勝滅寇誡吉凱旋先期具疏以

聞振旅還

朝將至

京師先遣官入奏

皇帝命廷臣以茶酒出郭迎勞大將軍率從征將士望

闕謝

恩行三跪九叩禮畢還朝翼日

皇帝御太和殿中和韶樂作奏隆平之章大將軍出班

從征內閣官二人恭奉

敕印升丹陛大將軍詣案前跪以次恭納

敕印於案退就班位丹陛樂作奏慶平之章大將軍率

從征將士謝

恩行三跪九叩禮畢

駕興中和韶樂作奏顯平之章諏吉祇告

天

地

宗廟

陵寢

社稷

先師孔子並致祭

旗纛

礮神羣臣恭進

賀表

皇帝陞殿受賀

御製碑銘勒石太學分

命儒臣編纂方畧垂示武功乃燕勞大將軍諸從征者

咸與燕翼日論功行賞有差若

命重臣經畧軍務節制將帥出征不庭其

頒敕印祭



堂子餞送凱旋之儀均與大將軍同

欽定八旗通志卷八十三

欽定四庫全書

欽定八旗通志卷八十四

典禮志七

八旗冠服

宗室王公冠服  
官員兵丁冠服

公主王妃等冠服  
冠服通例

宗室王公冠服

親王吉服冠頂用紅寶石

賜紅絨結頂者亦得用之冬用海龍薰貂紫貂夏織玉  
草或藤竹絲為之紅紗網裏石青片金緣上綴朱

緯

下至貝勒皆同

帶用金鑲玉板四片共嵌東珠四顆端

罩青狐為之月白緞裏曾

賜金黃色者亦得用之左右垂帶各二

下至貝子固倫額駙皆同補

服色用石青五爪四團龍補前後正龍兩肩行龍

朝服蟒袍藍及石青諸色隨所用曾

賜金黃者亦得用之坐褥冬用捨狝猊緣貂皮夏用五

爪龍紅緞襯紅白氈

親王世子朝冠頂金龍二層飾東珠九上啣紅寶

石夏朝冠前綴舍林飾東珠五後綴金花飾東珠  
四帶金鑲用金黃色銜玉方版四每具飾東珠三  
左右佩絛如帶色補服朝服蟒袍與親王同坐褥  
冬用貂皮緣捨獬豸夏用四爪蟒紋藍緞

郡王朝冠頂金龍二層飾東珠八上銜紅寶石夏  
朝冠前綴舍林飾東珠四後綴金花飾東珠三帶  
用金黃色金銜玉方版四每具飾東珠二貓睛石  
一補服色用石青繡五爪行龍兩肩前後各一餘

皆如親王世子

貝勒朝冠頂金龍二層飾東珠七上銜紅寶石夏  
朝冠前綴舍林飾東珠三後綴金花飾東珠二帶  
用金黃色金銜玉方版四每具飾東珠二補服色  
用石青前後繡四爪正蟒各一團朝服蟒袍均不  
得用金黃色朝服之制如郡王通繡蟒紋皆四爪  
蟒袍如之坐褥冬用猞猁獬皮夏用藍粧花緞餘  
如郡王

貝子朝冠頂金龍二層飾東珠六上銜紅寶石戴  
三眼孔雀翎夏朝冠前綴舍林飾東珠二後綴金  
花飾東珠一帶用金黃色金銜玉方版四每具飾  
東珠一補服色用石青前後繡四爪行蟒各一團  
坐褥冬用豹皮夏用藍緞緣以粧緞

鎮國公朝冠頂金龍二層飾東珠五上銜紅寶石  
戴雙眼孔雀翎夏朝冠前綴舍林飾東珠一後綴  
金花飾綠松石一端罩紫貂為之帶用金銜玉方

版四每具飾貓睛石一補服色用石青前後繡四  
爪正蟒方補坐褥冬用紅豹皮夏用紅閃緞襯紅  
氈朝服藍及石青諸色隨用披領及袖俱石青片  
金緣冬加海龍緣兩肩前後正蟒各一要帷行蟒  
四中有襍積裳行蟒八十一月朔至上元披領及  
裳俱表以紫貂袖端薰貂兩肩前後正蟒各一襍  
積行蟒四皆四爪袍通繡九蟒皆四爪曾

賜五爪蟒緞者亦得用之

侯伯子男同



輔國公朝冠頂金龍二層飾東珠四上銜紅寶石  
戴雙眼孔雀翎坐褥冬用紅豹皮去首尾夏用青  
閃緞餘與鎮國公同

鎮國將軍朝冠頂鏤金花座上銜紅寶石中飾東  
珠一吉服冠用珊瑚頂帶用金銜方玉版每具嵌  
紅寶石一補服前後繡麒麟餘與鎮國公同

輔國將軍朝冠頂鏤金花座上銜鏤花珊瑚中飾  
小紅寶石一帶用圓金版每具嵌紅寶石一補服

前後繡獅餘與鎮國公同

奉國將軍朝冠頂鏤花金座上銜藍寶石中飾紅  
寶石一吉服冠用藍寶石頂帶用起花金圓版補  
服前後繡豹朝服兩肩前後正蟒各一要惟行蟒  
四中有襍積裳行蟒八餘與鎮國公同

奉恩將軍朝冠頂鏤花金座上銜青金石中飾藍  
寶石一吉服冠用青金石頂帶用起花金鑲銀圓  
版補服前後繡虎蟒袍通繡八蟒皆四爪餘與鎮

國公同

閑散宗室四品官頂准其穿用四品武職補服

王貝勒貝子入八分公之子應封者親王之子給  
頭品官頂郡王貝勒之子給二品官頂貝子入八  
分公之子給三品官頂王貝勒貝子入八分公承  
繼之子例不應封者戴用三品官頂

盛京宗室與在京宗室一體給與官頂

親王以下宗室以上俱繫金黃帶覺羅繫紅帶

公主王妃等冠服

固倫公主冠頂金佛簪項圈用東珠十服色用翟  
鳥五爪四團龍補

和碩公主冠頂金佛簪項圈用東珠九服色視和  
碩大福晉例

郡主冠服崇德元年定冠頂大簪舍林項圈各嵌  
東珠六顆

和碩格格帽頂大簪金佛項圈各嵌東珠八顆耳

墜項圈金佛大簪所用東珠重五分衣服不許繡

鳳及用黃緞

和碩格格即郡主

和碩郡主冠頂金佛簪項圈用東珠八服色用翟  
鳥蟒緞帽頂大簪金佛項圈各嵌東珠七顆

縣主冠頂金佛簪項圈用東珠七服色蟒緞粧緞  
各色緞俱許酌用帽頂大簪金佛項圈各嵌東珠  
六顆

郡君冠頂金佛簪項圈用東珠六服色與縣主同

縣君冠頂金佛簪項圈用東珠五服色與郡君同  
鄉君冠頂金佛簪項圈用東珠四服色與縣君同  
貝子公等側室女降等冠服王貝勒側室女封授  
比嫡女既降二等冠服各項俱照所降品級服用  
貝子鎮國公輔國公側室女雖降等食五品六品  
俸其冠頂服色與縣君同

和碩親王大福晉冠頂金佛簪項圈用東珠十服  
五爪龍滿粒緞四補衣用翟鳥蟒緞粒緞補子等

緞

世子大福晉冠頂金佛簪項圈用東珠九服色俱  
視和碩大福晉例

郡王大福晉冠頂金佛簪項圈用東珠八服色用  
翟鳥蟒緞粒緞補子等緞

貝勒大福晉冠頂金佛簪項圈用東珠七服色蟒  
緞粒緞各色緞俱許酌用

貝子大福晉冠頂金佛簪項圈用東珠六服色與

貝勒福晉同

鎮國公夫人冠頂金佛簪項圈用東珠五服色蟒  
緞粧緞各色緞俱許酌用

輔國公夫人冠頂金佛簪項圈用東珠四服色與  
鎮國公夫人同

婦女冠服命婦照伊夫品級服用

皇后侍從婦女冠用金頂上銜紅寶石

貴妃侍從婦女冠用金頂上銜藍寶石



妃侍從婦女冠用金頂上銜水晶石

親王妃郡王妃侍從婦女與

妃侍從婦女同

貝勒夫人侍從婦女冠用金頂

貝子夫人侍從婦女冠不許用頂各樣首飾俱許  
嵌珍珠寶石綠松石

品官等冠服

民公朝冠頂鏤金花座上銜紅寶石中飾嵌東珠

四吉服冠用珊瑚頂端罩貂皮為之補服前後繡  
四爪正蟒朝服兩肩前後正蟒各一要唯行蟒四  
中有襖積裳行蟒八蟒袍通繡九蟒四爪帶用金  
鑲圓玉版四每片嵌貓睛一顆坐褥冬用虎皮夏  
用閃緞襯紅氈

侯伯朝冠頂鏤金花座上銜紅寶石侯飾東珠三  
顆伯飾東珠二顆吉服冠用珊瑚頂帶用金鑲圓  
玉版四侯每具飾綠松石一伯飾紅寶石一坐褥

冬用虎皮去首尾夏侯用青色綠花閃緞伯用藍雲緞餘與民公同

子朝冠頂鏤金花座上銜紅寶石中飾東珠一吉服冠用珊瑚頂補服前後繡麒麟帶用金銜方玉版四每具飾紅寶石一餘皆視一品

男朝冠頂鏤金花座上銜鏤花珊瑚中飾紅寶石一吉服冠用鏤花珊瑚頂補服前後繡獅帶用鏤金圓版四每具飾紅寶石一餘皆視二品

固倫公主額駙冠服與貝子同若原係貝勒以上各照封爵服用吉服冠用珊瑚頂

和碩公主額駙冠服與鎮國公同如封爵在公上者各照封爵服用

郡主額駙冠服視武一品帶用金銜圓玉版四每具飾綠松石一餘與侯伯同

縣主額駙冠服視武二品餘與輔國將軍同坐褥冬用獾皮夏用青布緣紅布襯紅氈

郡君額駙冠服視武三品坐褥冬用貉皮夏用青布襯紅氍毹餘與奉國將軍同

縣君額駙冠服視武四品帶用鍍金方鐵板四坐褥冬用青山羊皮夏用藍布襯白氍毹餘與奉恩將軍同

鄉君額駙冠服視武五品帶用鍍金圓鐵板四坐褥冬用鹿皮夏用白氍毹

官員頂帶都統尚書冠頂上銜紅寶石帶用金圓

版四飾紅寶石四

內大臣大學士副都統護軍統領前鋒統領侍郎  
冠頂上銜藍寶石帶用金圓版四

一等侍衛護衛叅領前鋒叅領學士滿啟心郎郎  
中冠頂上銜水晶帶用鍍金鐵版四

二等三等侍衛護衛佐領員外郎冠用金頂帶用  
鍍金圓鐵板四

護軍校主事冠用金頂帶用鍍金圓鐵板二

崇德二年

諭曰昔金熙宗及金主亮廢其祖宗時衣冠儀度循漢人之俗遂服漢人衣冠盡忘本國言語迨至世宗始復舊制衣冠凡言語及騎射之事時諭于孫勤加學習如元王馬大郭遇漢人訟事則以漢語訊之有女直人訟事則以女直語訊之世宗聞之以其未忘女直之言甚為嘉許此本國衣冠言語不可輕變也我國家以騎射為業今若不時親弓矢惟耽宴樂則田獵行陣之事必致

疎曠武備何由而得習乎蓋射獵者演武之法服制者  
立國之任朕欲爾等時時不忘騎射勤練士卒凡出師  
田獵許服便服其餘俱令遵照國初之制仍服朝衣且  
諄諄訓諭者非為目前起見也及朕之身豈有習於漢  
俗之理正欲爾等識之於心轉相告誡使後世子孫遵  
守毋變棄

祖宗之制耳

雍正元年五月奉



上諭大小官員有一定之品級即有一定之服式所以重名器也近多不按品級輒帶數珠馬項懸纓前用導馬更有將綢為坐具者尤為僭越嗣後應各按品級遵奉定例而行着八旗大臣步軍統領衙門都察院衙門嚴行稽查如有此等之人即行指叅若大臣官員等徇情疎忽經朕查出將伊等一併議處再舊例諸王等以數珠鞍轡賞伊屬下者許其服用此等人員難於稽查嗣後着將常用之處行文該旗存案年底彙奏如此則等

威有辨而僭越者少矣

乾隆十七年三月二十日奉

上諭朕恭閱

太宗文皇帝實錄內載崇德元年十一月癸丑日

上御翔鳳樓集諸親王郡王貝勒固山額真都察院官命

宏文院大臣讀大金世宗本紀

上諭衆曰爾等審聽之世宗者蒙古漢人諸國聲名顯著之賢君也故當時後世咸稱為小克勤朕批覽此書悉

其梗槩殊覺心往神馳耳目倍加明快不勝嘆賞朕思  
金太祖太宗法度詳明可垂久遠至熙宗合喇及完顏  
亮之世盡廢之耽於酒色盤樂無度效漢人之陋習世  
宗即位奮圖法祖勤求治理惟恐子孫仍效漢俗預為  
禁約屢以無忘祖宗為訓衣服語言悉遵舊制時時練  
習騎射以備武功垂訓如此後世之君漸至懈廢忘其  
騎射至於哀宗社稷傾危國遂滅亡乃知凡為君者耽  
於酒色未有不亡者也先時儒臣巴克什達海庫爾纏

屢勸朕改滿洲衣冠效漢人服飾制度朕不從輒以為  
朕不納諫朕試設為比喻如我等於此聚集寬衣大袖  
左佩矢右挾弓忽遇碩翁科羅巴圖魯勞薩挺身突入  
我等能禦之乎若廢騎射寬衣大袖待他人割肉而後  
食與尚左手之人何以異耶朕發此言實為子孫萬世  
之計也在朕身豈有更變之理恐日後子孫忘舊制廢  
騎射以效漢俗故常切此慮耳我國士卒初有幾何因  
嫻於騎射所以野戰則克攻城則取天下人稱我兵曰

立則不動搖進則不回顧威名震懾莫與爭鋒此番往  
征燕兵出邊我之兵咸竟為八大臣所累矣故諭爾等  
其謹識朕言欽此朕每敬讀

聖謨不勝欽凜感慕深惟國家開創之時待我

祖宗躬親勞瘁勤求治理矩矱相傳罔敢渝越以立萬世  
之丕基至於今咸受無疆之福者皆仰遵

明訓所致也我朝滿洲光正遺風自當永遠遵循守而勿  
替是以朕常躬率八旗臣僕行圍較獵時時以學習

國語熟練騎射操演技勇諄切訓誨無非率由舊章  
期以傳之奕禩永繇福祚惟是我

皇祖太宗聖訓所垂載在

實錄若非刊刻宣示則累朝相傳之家法外庭臣僕何由  
共悉且自古顯謨令典多勒之金石晚諭羣工我

皇祖太宗之睿聖特申誥誡昭示來茲益當敬勒貞珉永  
垂法守著於紫禁箭亭御園引見樓及侍衛教場八  
旗教場各立碑刊刻以昭朕紹述推廣至意俾戎後

世子孫臣庶咸知滿洲舊制敬謹遵循學習騎射嫻  
熟國語敦崇淳樸屏去浮華毋忽稍有怠惰式克欽  
承

彛訓冀億萬世子孫共享無疆之祚焉

三十七年十月奉

上諭朕閱三通館進呈所纂嘉禮考內于遼金元各代  
冠服之制敘次殊未明晰遼金元衣冠初未嘗不循  
其國俗後乃改用漢唐儀式其因革次第原非出于

一時即如金代朝祭之服其先雖加文飾未至盡去其舊至章宗乃槩為更制自應詳考詮次以徵蔑棄舊典之由並酌入按語俾後人知所鑒戒于輯書關鍵方為有當若遼及元可例推矣前因編訂皇朝禮器圖曾親製序文以衣冠必不可輕言改易及批通鑑輯覽又一一發明其義誠以衣冠為一代昭度夏收殷嘏本不相沿襲凡一朝所用原各自有法程所謂不忘其本也自北魏始有易服之說至遼金元諸



天  
君浮慕好名一再世輒改衣冠盡失其淳樸素風傳  
之未久國勢寢弱洊及淪胥蓋變本忘先而隱患中  
之覆轍具在甚可畏也況揆其所以議改者不過云  
袞冕備章文物足觀耳殊不知潤色彰身即取其文  
亦何必僅沿其式如本朝所定朝祀之服山龍藻火  
燦然具列悉皆義本禮經更何通天絳紗之足云耶  
且祀莫尊於

祖禮莫隆於

郊

廟溯其昭格之本要在乎誠敬感通不在乎衣冠規制夫

萬物本乎天人本乎祖推原其義實

天遠而

祖近設使輕言改服即已先忘

祖宗將何以上祀

天地經言仁人饗帝孝子饗親試問仁人孝子豈二人乎

不能饗親顧能饗帝乎朕確然有見於此是以不憚  
諄復教戒俾後世子孫知所法守是創論實格論也  
所願奕葉子孫深維根本之計毋為流言所惑永永  
恪遵朕訓庶幾不為獲罪

祖宗之人方為能享

上帝之主予以永綿國家億萬年無疆之景祚實有厚望  
焉其嘉禮考仍交館臣悉心確核遼金元改制時代  
先後逐一臚載再加擬按語證明改繕進呈候朕鑒

定昭示來許並將此申諭中外仍錄一通懸勒上書房

謹案我

國家肇興東土風尚樸淳衣冠服飾率昭一代

制度之宜  
列聖相承世守罔替我

皇上恪遵

家法防微杜漸洵足垂億萬年法守謹將

祖諭

聖訓具載於八旗冠服之次

欽定八旗通志卷八十四

欽定四庫全書

欽定八旗通志卷八十五

典禮志八

八旗婚禮

王公婚禮  
嫡禮通例

公主等婚禮

品官婚禮

王公婚禮

親王婚禮親王及親王未分家之子婚娶納幣用  
珍珠金銀花繡袍褂裙粧緞蟒緞素緞衣共九襲  
蟒緞素緞被褥七具金項圈一合包一大簪三枝

小簪三枝墜子一副指環十枚行定時宰牲三十  
六席五十酒五十罇娶時宰牲四十五席六十酒  
六十罇親王以下輔國公以上異姓公侯伯以下  
侍郎男爵以上公主福晉以下郡君貝子夫人以  
上俱會宴給與其父蟒朝衣帽帶靴其母蟒袍褂  
裙金墜鞍馬二匹金二十兩銀一十兩娶外藩親  
王郡王扎薩克貝勒台吉之女初定時行七九禮  
用牲六十三鞍馬三匹甲冑三副銀器一具蟒緞

三疋緞八疋布四十二疋娶外藩親王女聘用鞍  
馬十二匹監甲十二副閑甲二十四副緞六十疋  
布六百疋銀器三具娶外藩郡王女聘用鞍馬十  
匹甲胄十副閑甲二十副緞五十疋布五百疋銀  
器三具娶外藩扎薩克貝勒女聘用鞍馬八匹甲  
胄八副閑甲十六副緞四十疋布四百疋銀器三  
具娶外藩台吉女聘用馬六匹甲胄六副閑甲十  
二副緞三十疋布三百疋銀器二具女父送來京

各給夏衣一襲冬衣一襲貂褂一韉帶一圍腰刀  
一弓箭撒袋一副甲冑一副鞍馬二匹蟒緞素緞  
三十疋布二百疋銀桶器三具女之兄弟若來各  
按時給衣一襲隨從男婦三十人各給衣服有差  
世子郡王婚禮世子郡王及世子郡王未分家之  
子婚娶納幣用珍珠金銀花繡袍褂裙粧緞蟒緞  
素緞衣共八襲蟒緞素緞被褥六具金項圈一合  
包一大簪三枝小簪三枝墜子一副指環八枚行



定時宰牲二十七席四十酒四十罇娶時宰牲三十六席五十酒五十罇親王以下輔國公以上異姓公侯伯以下侍郎男爵以上公主福晉以下郡君貝子夫人以上俱會宴給予其父蟒朝衣帽帶靴其母緞袍褂裙金墜鞍馬二匹金十兩銀七百兩娶外藩親王郡王扎薩克貝勒台吉之女行定時行七九禮用牲六十三鞍馬三匹甲冑三副銀器一具蟒緞三疋緞八疋布四十二疋娶外藩親

王郡王女聘用鞍馬十匹甲冑十副閑甲二十副  
緞五十疋布五百疋銀器三具娶外藩扎薩克貝  
勒女聘用鞍馬八匹甲冑八副閑甲十六副緞四  
十疋布四百疋銀器三具娶外藩台吉女聘用鞍  
馬六匹盃甲六副閑甲十二副緞三十疋布三百  
疋銀盃器二具女父母親送來京各給夏衣一襲  
冬衣一襲貂褂一鞋帶一圍腰刀一弓箭撒袋一  
副甲冑一副鞍馬二匹蟒緞素緞三十疋布二百

足銀桶器三具女之兄弟若來各按時給衣一襲  
隨從男婦二十五人給衣服各有差

長子貝勒婚禮長子貝勒及長子貝勒未分家之  
子婚娶納幣用珍珠金銀花繡袍褂裙粧緞蟒緞  
素緞衣共七襲蟒緞素緞被褥五具金項圈一合  
包一大簪三枝小簪三枝墜子一副指環六枚行  
定時宰牲十八席三十酒三十罇娶時宰牲二十  
七席四十酒四十罇郡王以下輔國公以上異姓

公以下尚書男爵以上郡王福晉以下貝子夫人  
郡君以上俱會宴給予其父蟒朝衣帽帶靴其母  
緞袍褂裙金墜鞍馬二匹金五兩銀五百兩娶外  
藩親王郡王扎薩克貝勒台吉之女行定時行五  
九禮用牲四十五鞍馬二匹甲冑二副銀器一具  
蟒緞二疋緞六疋布四十疋娶外藩親王郡王扎  
薩克貝勒之女聘用鞍馬八匹甲冑八副閑甲十  
六副緞四十疋布四百疋銀器三具行定時宰牲

二十七娶時宰牲四十五女父母親送來京各給  
夏衣一襲冬衣一襲貂褂一鞵帶一圍腰刀一弓  
箭撒袋一副甲冑一副鞍馬二匹蟒緞素緞三十  
疋布二百疋銀器三具女之兄弟若來各按時給  
衣一襲隨從男婦二十人給衣服有差

貝子婚禮貝子及貝子未分家之子婚娶納幣用  
珍珠金銀花繡袍褂裙粧緞蟒緞素緞衣共六襲  
蟒緞素緞被褥四具金項圈一大簪二枝小簪二

枝墜子一副指環四枚行定時宰牲十四席二十  
酒二十罇娶時宰牲二十一席三十酒三十罇貝  
勒以下輔國公以上本旗官屬侍郎男爵以上貝  
勒夫人以下縣君輔國公夫人以上俱會宴給予  
其父補緞朝服鞵帶靴帽其母緞袍褂裙金墜鞍  
馬一匹銀四百兩娶外藩親王郡王扎薩克貝勒  
台吉之女行定時行三九禮用牲二十七鞍馬一  
匹甲冑一副銀器桶一具蟒緞一疋緞四疋布十

八疋聘用鞍馬六匹甲冑六副閑甲十二副緞三十疋布三百疋銀器二具女父母親送來京各給夏衣一襲冬衣一襲貂褂一鞵帶一圍腰刀一弓箭撒袋一副甲冑一副鞍馬二匹蟒緞素緞三十疋布二百疋銀器三具女之兄弟若來各按時給衣一襲隨從男婦十五人給衣服有差

鎮國公婚禮鎮國公及鎮國公未分家之子婚娶納幣用袍褂裙粧緞蟒緞素緞衣共五襲蟒緞素

緞被褥四具金項圈一大簪二枝小簪二枝墜子一副指環四枚行定時宰牲十三席十八酒十八罇娶時宰牲十七席二十八酒二十八罇目子以下奉國將軍以上貝子福晉縣君以下奉國將軍淑人公之女及本屬官員俱會宴給與其父補緞朝衣鞢帶靴帽其母緞袍褂裙金墜鞍馬一匹銀三百兩娶外藩親王郡王扎薩克貝勒台吉之女行定時行二九禮用牲十八鞍馬一匹甲冑一副



銀器一具蟒緞一疋素緞二疋布十一疋聘用鞍  
馬五匹甲冑五副開甲十副緞二十五疋布二百  
五十疋銀器二具行定時宰牲十八娶時宰牲二  
十七女父母親送來京各給夏衣一襲冬衣一襲  
貂褂一韉帶一圍腰刀一弓箭撒袋一副甲冑一  
副鞍馬二匹蟒緞素緞三十疋布二百疋銀器三  
具女之兄弟若來各按時給衣一襲隨從男婦十  
五人給衣服有差

輔國公婚禮輔國公及輔國公未分家之子婚娶  
納幣用袍褂裙粧緞蟒緞素緞衣共四襲蟒緞素  
緞被褥三具金項圈一大簪二枝墜子一副指環  
四枚行定時宰牲十一席十六酒十六盞娶時宰  
牲十五席二十六酒二十六盞鎮國公以下奉國  
將軍以上縣君鎮國公夫人以下奉國將軍淑人  
公之女及本屬官員俱會宴給予其父補緞朝衣  
韉帶帽靴其母緞袍褂裙金墜鞍馬一匹銀三百

兩娶外藩親王郡王扎薩克貝勒台吉之女行定  
時行一九禮用牲九鞍馬一匹甲冑一副銀器一  
具蟒緞一疋素緞二疋布二疋聘用鞍馬四匹甲  
冑四副閑甲八副緞二十疋布二百疋銀器二具  
行定時宰牲十八娶時宰牲二十七女父母親送  
來京各給夏衣一襲冬衣一襲貂褂一鞵帶一圍  
腰刀一弓箭撒袋一副甲冑一副鞍馬二匹蟒緞  
素緞三十疋布二百疋銀器三具女之兄弟若來

各按時給衣一襲隨從男婦十五人給衣服有差  
鎮國將軍婚禮鎮國將軍行納幣禮綴衣三襲綴  
衾褥二具布衣一襲布衾褥一具金項圈一具金  
簪二枝金耳墜全副定婚日宴宰牲六娶日設宴  
十五席

輔國將軍婚禮輔國將軍行納幣禮綴衣二襲綴  
衾褥一具布衣一襲布衾褥一具金項圈一具金  
簪二枝金耳墜全副定婚日宴宰牲四娶日設宴

十席

奉國將軍婚禮奉國將軍行納幣禮緞衣二襲緞衾褥一具布衣一襲布衾褥一具金簪二枝金耳墜全副定婚日宴宰牲三娶日設宴八席

宗室婚禮宗室行納幣禮緞衣二襲布衣一襲緞衾布褥一具金耳墜全副定婚日宴宰牲二娶日設宴五席

覺羅婚禮覺羅婚娶有職者各照品級用無職者

用緞衣二襲緞被褥一牀金項圈一金耳墜一副  
行定時用羊牲二酒八罇娶時宰牲四席五酒十  
罇

公主等婚禮

公主下嫁禮公主下嫁於朝臣定婚進獻用一九

禮駝用駱馬設宴七十席行聘進獻用九九禮駝用駱馬

下嫁日設宴九十席如下嫁外藩止用牲酒不設

筵宴

公主下嫁得

旨指婚初定額駙家備駝一馬八羊八十有一酒九十  
罇屆期恭進額駙於是日詣

千門恭謝乃設燕行禮下嫁前一日遣官賁送妝奩  
詣額駙第鋪設至日額駙家備九九禮物恭進文  
馬十八馱甲十八馬二十一駝六羊八十一酒九  
十罇設燕如初定禮下嫁禮成翌日行朝

謝禮如下嫁外藩止用牲酒不設筵燕

郡主于歸禮郡主于歸初定額駙家備燕五十席  
酒五十罇若外藩王等尚主用駝馬羊七九牲五  
九納于王府納幣額駙家備鞍馬七甲胄七外藩  
王等用馬六十牛六十羊六百婚前一日遣人送  
粧奩至額駙第陳設至日送郡主于歸媵婢八人  
男婦五戶若奉

旨賜婚者額駙偕郡主詣

大內謝



恩行禮

縣主于歸婚禮縣主于歸燕四十席酒四十罇納幣額駙家備鞍馬五甲胄五外藩王等用馬五十牛五十羊五百婚前一日遣人送粧奩至額駙第陳設至日送縣主于歸媵婢七人男婦四戶

郡君于歸禮郡君于歸燕三十席酒三十罇納幣額駙家備鞍馬四甲胄四若嫁外藩用馬四十牛四十羊四百餘與縣主同至日送郡君于歸媵婢

六人男婦四戶

縣君于歸禮燕二十席酒二十罇納幣鞍馬三甲  
胄三若嫁外藩用馬三十牛三十羊三百餘與郡  
君同至日送縣君于歸媵婢五人男婦三戶

鄉君于歸禮燕十八席酒十八罇納幣鞍馬二甲  
胄二若嫁外藩馬二十五牛二十五羊二百五十  
餘如縣君同至日送鄉君于歸鎮國公女媵婢四  
人輔國公女媵婢三人男婦皆二戶

品宦婚禮

凡民公行納幣禮緞衣四襲緞衾褥三具金項圈  
一具金簪三枝金耳墜一副定婚日宴用牲九粢  
日設宴二十席侯行納幣禮緞衣四襲緞衾褥三  
具金項圈一具金簪三枝金耳墜一副定婚日宴  
用牲八粢日設宴十八席伯行納幣禮緞衣四襲  
緞衾褥三具金項圈一具金簪三枝金耳墜一副  
定婚日宴用牲七粢日設宴十七席一品官行納

幣禮緞衣三襲緞衾褥三具金項圈一具金簪三  
枝金耳墜一副定婚日宴用牲六娶日設宴十五  
席二品官行納幣禮緞衣二襲緞衾褥二具金項  
圈一具金簪三枝金耳墜一副定婚日宴用牲四  
娶日設宴十席三品官行納幣禮緞衣二襲緞衾  
褥二具金項圈一具金簪二枝金耳墜一副定婚  
日宴用牲三娶日設宴八席四品官行納幣禮緞  
衣一襲緞衾褥一具金項圈一具金耳墜一副定

婚日宴用牲二娶日設宴六席五品官行納幣禮  
緞衣一襲緞衾褥一具金項圈一具金耳墜一副  
定婚日宴用牲二娶日設宴五席六品以下官行  
納幣禮與五品官同定婚日宴用牲二娶日用牲  
三自四品以下金項圈金耳墜各聽其力能具者備用軍民人等行納幣禮  
衣一襲衾褥一具定婚日宴用牲一娶日宴用牲

二

婚禮通例

崇德間定親王以下婚娶如違定例多用者多用之物入官兩家俱議罪

又定自超品公以下至軍民人等婚娶若違定例多用者多用之物入官兩家俱議罪

崇德三年定凡送親外藩王貝勒貝子公等送女與內王以下公以上為婚前一夕內王以下公以上自備筵宴到日由禮部備辦筵宴回日筵宴同  
順治五年八月

諭禮部曰方今天下一家滿漢軍民皆朕臣子欲其輯和  
親睦莫如聯姻一事凡滿漢官民有欲聯姻者各從其  
願

八月

諭戶部曰滿漢官民欲其輯睦互結婚姻前已有旨嗣後  
凡滿洲官員之女欲與漢人為婚者先須呈明爾部查  
其應具奏者即與具奏應自理者即行自理其無職人  
等之女部冊有名者令各牛录章京報部方嫁無名者

聽各牛录章京自行遣嫁至漢官之女欲與滿洲為婚者亦行報部無職者聽其自便不必報部其滿洲官民娶漢人之女實係為妻者方准其娶

八年題准凡外藩送親與內親王者前一夕內親王府自備牲酒親王迎至宿次幼輩郡王貝勒各一人貝子二人內大臣二人禮部堂官俱蟒服同往筵宴如遣屬官往迎部員同往筵宴到日由禮部備辦牲酒親王及郡王以下各官筵宴郡王妃



貝勒貝子夫人禮服出迎筵宴如仍遣屬官迎接  
部員同迎接筵宴凡送親如內郡王者如郡王親  
迎幼輩貝勒一人貝子一人公二人同往其餘迎  
接筵宴與親王同凡送親與內貝勒者如貝勒親  
迎幼輩貝子一人公二人同往其餘親迎筵宴與  
郡王同凡送親與內貝子公者如貝子公親迎幼  
輩公二人同往其餘迎接筵宴與貝勒同以上凡  
大臣應否遣迎請

旨定奪到後

賜恩宴一次在禮部筵宴二次回日筵宴同

九年定王以下公以上凡奉

旨賜婚者俱朝服於

中和殿或於

位育宮謝

恩不贅行三跪九叩頭禮及成婚日再行三跪九叩頭禮

又定和碩親王世子多羅郡王之女下嫁在朝及

外藩之人娶時和碩親王進

上牛一隻羊一隻酒二罈世子多羅郡王進

上牛一隻羊一隻酒二罈多羅貝勒以下俱免進和碩親王以下如奉

上諭結婚其行定及娶時俱謝

恩一次

又題定凡奉

旨賜婚公主郡主等外藩王以下內外各官俱朝服於

中和殿或於

位育宮謝

恩不替行三跪九叩頭禮成婚日再行三跪九叩頭禮

康熙元年定王以下入八分公以上有婚嫁事報

明禮部具題布改為緞餘俱仍舊

五年定鎮國將軍輔國將軍女嫁於外藩賸送滿

洲男婦二名蒙古漢人男婦六名奉國將軍奉恩

將軍女賸送不許用滿洲止用蒙古漢人男婦六

名宗室女媵送蒙古漢人男婦四名

八年定凡奉

旨賜婚郡主以下者謝

恩行禮俱由禮部具題

又定出嫁郡主縣主歸寧母家有給人口者不准  
給滿洲准給蒙古漢人八名出嫁郡君以下鄉君  
以上歸寧准給蒙古漢人六名出嫁鎮國將軍女  
以下宗女以上歸寧准給蒙古漢人四名

雍正元年定凡有品級官員婚嫁各用伊執事鼓樂人不得過十二名燈不得過六對無品級閒散人等及生監軍民不得僭用執事鼓樂人不得過八名燈不過四對一應糜費概行嚴禁

八年三月禮部議覆據詹事府少詹事伊爾敦奏稱看得八旗官員兵丁遇有喜喪等事不按定例遵行仍有任意糜費者若不嚴行禁止誠恐日久必至相習成風仰請

勅下該部自大小官員以至兵丁凡喜喪等事其應用之  
項按其職分之尊卑明白分晰著為定例刊刻成  
書於八旗各佐領及族長等頒給一本令其傳示  
曉諭凡遇喜喪等事預行報知該佐領該族長務  
令逐項照例遵行等語查雍正元年五月內九卿  
等遵

旨議覆自民公侯伯滿漢官員以及兵民等其婚喪等事  
俱各按品級著為定例逐款開載一體傳行但未

有專行曉示稽察之員所以致有任意違越之事  
應如伊爾敦所奏將

欽定款項再行刷印交各該旗令其轉交該佐領族長等  
傳示曉諭凡遇喜喪等事預行報知該佐領族長  
等照例遵行若有違例僭用者該佐領族長等即  
報知各該旗都統查明交部治罪若徇隱不報任  
其違越一經發覺將該佐領族長及僭越之人一  
併交部分別議處




奏入奉

旨依議着該旗都統察旗御史叅領侍衛及步軍統領一  
同稽察果有違例僭越者即行叅奏若該旗都統察旗  
御史叅領侍衛步軍統領內如有一處查出其餘一併  
免其議處若經他處查出將該旗都統察旗御史叅領  
侍衛步軍統領等一併議處

欽定四庫全書

欽定八旗通志  
卷八十五

十九



欽定八旗通志卷八十五